


人生如梦



正月二十日与潘郭二生出郊寻春忽
记去年是日同至女王城作诗乃和前
韵

东风未肯入东门，走马还寻去岁村。
人似秋鸿来有信，事如春梦了无痕。
江城白酒三杯酹，野老苍颜一笑温。
已约年年为此会，故人不用赋招魂。






眉山岁月（1037-1055）

《范文正公文集叙》

庆历三年，轼始总角入乡校，士有自京师来者，以鲁人石守道所作《庆历圣德诗》示乡先生。轼从旁窥观，则能诵习其词，问先生以所颂十一人者何人也？先生曰：“童子何用知之？”轼曰：“此天人也耶？则不敢知；若亦人耳，何为其不可？”先生奇轼言，尽以告之。且曰：“韩、范、富、欧阳，此四人者，人杰也。”时虽未尽了，则已私识之矣。

《洞仙歌》（冰肌玉骨）词引

余七岁时见眉山老尼，姓朱，忘其名，年九十余，自言尝随其师入蜀主孟昶宫中。一日，大热，蜀主与花蕊夫人夜纳凉摩诃池上，作词，朱具能记之。今四十年，朱已死久矣，人无知此词者，但记其首两句。暇日寻味，岂洞仙歌乎？乃为足之云。






眉山岁月（1037-1055）

《亡妻王氏墓志铭》

治平二年（1065）五月丁亥，赵郡苏轼之妻王氏卒于京师。六月甲午殡于京城之西。其明年六月壬，葬于眉山东北彭山县安镇乡可龙里先君先夫人墓之西北八步。轼铭其墓曰：君讳弗，眉之青神人，乡贡进士方之女。生十有六年而归于轼。有子迈。……其死也，盖年二十有七而已。



两株丹桂（1056-1061）

仁宗嘉祐二年（1057），中举。

嘉祐六年（1061），中贤良方正能直言极谏科。授官大理评事，凤翔府签判。

和子由澠池怀旧

人生到处知何似，应似飞鸿踏雪泥。
泥上偶然留指爪，鸿飞那复计东西。
老僧已死成新塔，坏壁无由见旧题。
往日崎岖还记否，路长人困蹇驴嘶。

初涉官途（1062-1068）

英宗治平二年（1065），凤翔府签判任满，归京，判登闻鼓院，召试馆职，除直史馆。

治平三年（1066），苏洵去世，轼、辙护丧返蜀。因眉山先莹有老人泉，故苏轼晚号老泉山人。


神宗熙宁元年（1068），丧满，续娶王闰之，返京。

变法风潮（1069-1071）

熙宁二年（1069），王安石任参知政事，主持变法。

熙宁三年（1070），苏辙出任陈州州学教授，御史谢景温弹劾苏轼贩卖私盐。

熙宁四年（1071），自请出京，授杭州通判。




东南第一州（1071-1074）

行香子

过七里瀨

一叶舟轻。双桨鸿惊。水天清、影湛波平。鱼翻藻鉴，
鹭点烟汀。过沙溪急，霜溪冷，月溪明。重重似画，
曲曲如屏。算当年、虚老严陵。君臣一梦，今古空名。
但远山长，云山乱，晓山青。





东南第一州（1071-1074）

南乡子
和杨元素，时移守密州
东武望余杭。云海天涯两渺茫。何日功成名遂了，
还乡。醉笑陪公三万场。不用诉离觞。痛饮从
来别有情。今夜送归灯火冷，河塘。堕泪羊公却姓
杨。



密州幽梦（1075-1076）

江城子

乙卯正月二十日夜记梦

十年生死两茫茫。不思量。自难忘。千里孤坟，无处话凄凉。纵使相逢应不识，尘满面，鬓如霜。夜来幽梦忽还乡。小轩窗。正梳妆。相顾无言，惟有泪千行。料得年年肠断处，明月夜，短松冈。





彭城夜叹（1077-1078）

永遇乐

彭城夜宿燕子楼，梦盼盼，因作此词

明月如霜，好风如水，清景无限。曲港跳鱼，圆荷泻露，寂寞无人见。攄如三鼓，铿然一叶，黯黯梦云惊断。夜茫茫，重寻无处，觉来小园行遍。天涯倦客，山中归路，望断故园心眼。燕子楼空，佳人何在，空锁楼中燕。古今如梦，何曾梦觉，但有旧欢新怨。异时对，黄楼夜景，为余浩叹。

乌台诗案（1079）

予以事系御史台狱，狱吏稍见侵，自度不能堪，死狱中，
不得一别子由，故和二诗授狱卒梁成，以遗子由。（其一）
圣主如天万物春，小臣愚暗自亡身。
百年未满先偿债，十口无归更累人。
是处青山可埋骨，他年夜雨独伤神。
与君世世为兄弟，更结人间未了因。


十二月，诏贬检校水部员外郎，充黄州团练副使，本州安置。



东坡居士 (1080-1085)

南乡子
重九涵辉楼呈徐君猷
霜降水渐消。力软，佳节万蝶愁。
酒力却恋尊头。送秋。黄花蝶也愁。
远洲。破帽多。但都是梦，





东坡居士（1080-1085）

西江月

平山堂

三过平山堂下，半生弹指声中。十年不见老仙翁。
壁上龙蛇飞动。欲吊文章太守，仍歌杨柳春风。
休言万事转头空。未转头时皆梦。

浣溪沙

席上赠楚守田待问小鬟

一梦江湖费五年。归来风物故依然。相逢一醉是前缘。
迁客不应常眊眊，使君为出小婵娟。翠鬟聊着小诗缠。



元祐大臣（1086-1089）

如梦令

为向东坡传语。人在玉堂深处。别后有谁来，雪压小桥无路。归去。归去。江上一犁春雨。

又

手种堂前桃李。无限绿荫青子。帘外百舌儿，惊起五更春睡。居士。居士。莫忘小桥流水。



又醉杭州（1089-1091）

定风波

余昔与张子野、李公择、陈令举、杨元素会于吴兴，时子野作六客词，其卒章云：“见说贤人聚吴分。试问。也应旁有老人星。”凡十五年，再过吴兴，而五人者皆已亡矣。时张仲谋与曹子方、刘景文、苏伯固、张秉道为坐客，仲谋请作后六客词云。

月满莼溪照夜堂。五星一老斗光芒。十五年间真梦里。何事。长庚配月独凄凉。
绿发苍颜同一醉。还是。六人吟笑水云乡。宾主谈锋谁得似。看取。曹刘今对两苏张。





颍州西湖（1091-1092）

木兰花令

次欧公西湖韵

霜余已失长淮阔。空听潺潺清颍咽。佳人犹
唱醉翁词，四十三年如电抹。草头秋露
流珠滑。三五盈盈还二八。与余同是识翁人，
惟有西湖波底月。



山雨欲来 (1093)

行香子
述怀

清夜无尘，月色如银。酒斟时、须满十分。浮名浮利，
虚苦劳神。叹隙中驹，石中火，梦中身。虽抱文章，
开口谁亲。且陶陶、乐尽天真。几时归去，做个闲人。
对一张琴，一壶酒，一溪云。

万里南迁（1094-1097）

蝶恋花

春景
花褪残红
香杏小。

燕子飞时，绿水人家绕。
枝上柳绵吹又少。天涯何处无行
草。墙里秋千墙外道。墙外行人，
墙里佳人笑。笑渐不闻声渐悄。
多情却被无情恼。





海角天涯（1098-1100）

西江月
中秋和子由

世事一场大梦，人生几度新凉。夜来风叶
已鸣廊。看取眉头鬢上。酒贱常愁客
少，月明多被云妨。中秋谁与共孤光。把
酒凄然北望。





归鸿何处（1101）

千秋岁

次韵少游

岛边天外。未老身先退。珠泪溅，丹衷碎。声摇苍玉佩。
色重黄金带。一万里，斜阳正与长安对。 道远谁云会。
罪大天能盖。君命重，臣节在。新恩犹可觐，旧学终难改。
吾已矣，乘桴且恣浮于海。

